

九佛

九佛和州人也始遷洛陽專施醫術

十佛

十佛者九佛之子也博學多聞而療養蒼生光明帝使任民部卿法印又以倭歌鳴于世等持院仁山相公恩遇特渥曾為相公講萬葉集平日侍左右診脈獻藥

士佛

士佛者十佛之子也諱慧勇號健叟醫術通神妙後光嚴院後圓融院後小松院三朝相續賜聖詔被號上池院且扁其居又叙民部卿法印曾侍寶篋院○足利鹿苑院義滿○足利勝定院義持○足利三相公特為鹿苑相公所寵遇相公呼彼稱士佛以士字從十從一而亞十佛之謂也

〔滿濟准后記〕永享七年二月九日醫師板坂自公方召給了脈無殊儀瘦膿血出事不可然云々

〔羅山文集五十三〕鍼灸資生經跋題跋

本朝官醫蓋有數家板坂氏其一也曾自洛赴甲陽其箕裘卜齋如春叟久為東照大神君侍醫大神君施仁政于邦家躋黎民於壽域之暇據和劑局方而製良藥其炮炙吹咀之法卜齋每預修治焉故其視庸醫猶如大官厨之視賣餅家也歟

〔本朝醫考中〕竹田

相傳九條右丞相師輔公之子閑院太政大臣公季號仁義公公季八世之裔公經號一條相國被聽牛車兵仗其子竹田清水谷中納言公定十四代之孫昌慶稱山城守始學醫術

〔延壽類要序〕蓋延壽類要即官醫法印今之竹田公豐十一世之祖清水谷黃門侍郎公定卿六世之孫

前山城守安國公昌慶之孫善慶之子所謂昭慶法印者所著書也昭慶後避大樹慶雲院○足利之諱

而改名定盛博聞強記而有才藝應仁二年戊子左相府義政公疾篤衆醫奏不治乃命劑於昭慶不日